

LÈS TAYES.

Po djoker d' nos-èpwèsoner
Nosse vîye France a co pris lès d'vants :
Mazout', èssence vont co r'monter !
Èlle a yeû rade trové l' bon plan.
Vola dovint qu'i-gn-a one masse
Di djins qui s' sintenut trop visés ;
Si rachoner, dîre à tote fwace
Qu'i n' volenut pus s' fé couyoner:
« Nos 'nn'avans nosse sô d' leûs bièstrîyes !
Il èst d'bôrd timps d'arèter ;
On n' lès crwèt pus, on s'è d'mèfiye ! »
Mins nosse prèsidint a causé :
« Dji v's-a ètindu ! » a-t-i dit ;
« C'èst mi qu'on-z-a mètu à l'eûve !
I-gn-a qu'on maîsse, véci, c'èst mi.
Qu'on n' mi prinde nin por on maneûve !
On m'a rèlî, dj'a tos lès drwèts ;
Vos-auroz bau braîre èt vos plinde,
Dj'inventerè lès lwès qu'i m' plaîrè !
Tint qu'à vos d' lomer ça dès quintes. »

Georges Hussin

Nôvimbe 2018